

Morning Dogri (NSD) Bulletin 21-March-2026

आकाशवाणी

खास-खास खबरां:-

1. केन्द्र सरकार नै औंदन टैक्स नियम 2026 अधिसूचित कीते न- जेके पैहली अप्रैल 2026 थमां लागू होई जागंन।
2. चुनां आयोग नै चंऊ राज्यें च होने आले असैम्बली चुनाएं शा पैहले इलैक्ट्रानिक ते डिजिटल मीडिया पर प्रसारित सियासी विज्ञापनें गी बाकायदा करने दे हुकम दिते न।
3. तेलै दियां कीमतां बददने करी अमरीका नै ईरान दे तेलै पर लाए गेदे किश प्रतिबंधें च टिल्ल दिती ऐ।
4. पूरे मुल्खे च अज्ज ईद-उल-फितर दा त्योहार मनाया जा रदा ऐ। राष्ट्रपति दौपदी मुरमू ते प्रधानमंत्री होरें अपनियां शुभकामनां भेंट कीतियां।
5. भारतीय खडारन तनवी शर्मा Orleans Master बैडमिंटन च महिला Singles सैमीफाईन च पुज्जी गई ऐ।



Income Tax Rules 2026

सरकार नै Income Tax नियम 2026 गी अधिसूचित करी दिता ऐ- जेड़े अगले महीने दी पैहली तरीक थमां लागू होई जागंन। नमें नियमें दा मकसद कठिन नियमें दी गिनतरी गी चिगड़ा आनियें टैक्स सरिस्ते गी सखल्ला बनाना ऐ। खजाना मंत्रालय नै सूचना दिती ऐ जे Income Tax कनून 2025 दे नमें नियम पराने जटिल सरिस्ते ते तंत्र दी थाहर लैगंन।



Eid-ul-Fitr-National

अज्ज मुल्खे दे केईये हिस्सें च “Eid-ul-Fitr” दा त्योहार पूरे जोश ते मजहबी अकीदत कन्नै मनाया जा’रदा ऐ। अज्ज रमज़ान दा महीना खत्म होई गया ऐ। इस मौके पर मुस्लमान भा पारम्परिक लाब्बे लाइयें ईदगाहें ते मसीतें च ईद दी नमाज अदा करा’रदे न। सब्बै इक-दुए गी ईद दी मुबारक देया करदे न, अपने दोस्ते-मित्रें दे रिश्तेदारें दे मिठाइयां लेइयें मुबारखां देन जा’रदे न। दिल्ली च ईद दे मुख किट्ठ ज़ामा मस्जिद, फतेहपुरी मस्जिद दे शाही ईदगाह च लगगा’रदे न। इस मौके गिते सुरक्षा दे पुख्ता दे

बंदोबस्त कीते गेदे न। राष्ट्रपति द्रोपदी मुरमू होरें ईद-उल फितर दे मुबारक मौके पर लोकें गी शुभकामनां भेंट कीतियां। अपने सनेह च राष्ट्रपति होरें आखेआ जे ए त्योहार आत्म-नियंत्रण दे कन्नो-कन्नी गरीब गुरबें दे प्रति दान-पुण्य ते दया-भाव रक्खने दा सनेहा दिंदा ऐ।



PM -Navroaz

प्रधानमंत्री नरेन्द्र मोदी होरें लोकें गी पारसी नमें बरे- नवरोज दी मुबारकबाद दिती ऐ। इक सोशल मीडिया पोस्ट च उ'नें कामना कीती जे नमां बरा सब्बनें दे जीवन च खुशहाली आहने- सब्बनें गी खरी सेहत प्रधान करे ते सब्बनें दी कामना पूरी करै।



US Oil

अमरीका नै ईरान दे तेल पर किश बंदिशें च टिल्ल दिती ऐ तां'जे कच्चे तेल दियें कीमतें पर तक्क रक्खी जाई सकै। अमरीका दे ट्रेजरी मंत्री Scott Bessent होरें कल इस बारे घोषणा कीती ते आखेया जे बंदिशें पर आंशिक तौरा पर ए टिल्ल अमरीका दे इजरायल आसेया 3 हफते पैहले ईरान पर कीते गेदे हमले कारण कुल संसारी बजार च तेल दियें कीमतें च बाद्दे गी रोकने आस्तै दिती गई।



Govt. Crude Oil

सरकार नै भरोसा दोआया ऐ जे सब्भै रिफाइनरियां पर्याप्त कच्चे तेल दे भंडार कन्नै पूरी समर्थ कन्नै कम्म करा'रदियां न। घरेलू एल.पी.जी उत्पादन स्थिर ऐ ते मुनासब LPG उत्पादन स्टॉक उपलब्ध ऐ। नमीं दिल्ली च कल पच्छिम एशिया दे ताजा घटनाक्रमें पर अंतर मंत्रालय प्रैस वार्ता गी सम्बोधत करदे होई पेट्रोलियम ते कुदरती गैस मंत्रालय दीयें संयुक्त सचिव सुजाता शर्मा होरें दस्सेआ जे पिच्छले इक हफते च उपभोक्ताएं गी 11 जहार 3 सौ टन व्यवसायिक LPG दी आपूर्ति कीती गई ऐ। उ'नें आखेआ जे घरेलू LPG उत्पादन च 40 प्रतिशत दा बाद्दा दर्ज कीता गेआ ऐ ते खुदरा हट्टियें पर LPG दी कोई कमी नैई ऐ।



PM India Energy

प्रधानमंत्री नरेंद्र मोदी होंरें आखेआ जे भारत दा ऊर्जा परिवर्तन व्यावहारिक नीतिगत रूपरेखा ते आत्मनिर्भरता दी दिशा च साफ जतन सोयां प्रेरित ऐ। अक्षय ऊर्जा राज्य मंत्री श्रीपद नाइक हुन्दा इक लेख सोशल मीडिया पर सांझा करदे होई प्रधानमंत्री होंरें आखेआ जे एह लेख देशें दे ऊर्जा क्षेत्र दी परिवर्तनकारी यात्रा गी रेखांकित करदा ऐ। उ'नें अग्गे आखेआ जे भारत विद्युतीकरण, स्वच्छ ऊर्जा ते विनिर्माण पर खास ध्यान देने दे कन्नो-कन्नी वैश्विक ऊर्जा परिदृश्य च इक नतीजाकून अध्याय लिखा'रदा ऐ।।



EC -Political Ads

चुनां आयोग नै चंऊ राज्यें- असम, केरल, तमिनाडू ते पच्छिम बंगाल ते पुदुचेरी संघ शासित प्रदेश, सनें 6एं राज्यें च उपचुनाएं शा पैहले इलैक्ट्रानिक ते डिजिटल मीडिया च प्रसारित सियासी विज्ञापनें गी बाकायदा करने दे हुकम जारी कीते न। इस हुकमै मुजब सब्बै सियासी पार्टियां, मेदवार, व्यक्ति ते संगठन अपने विज्ञापनें गी प्रसारित करने कशा पैहले उनेंगी मंजूर कराई लैन। एह मंजूरी मीडिया प्रमाणिकरण निगरान कमेटी MCMC थमां लैनी होग।



Har Ghar Jal

केन्द्रीय जल शक्ति मंत्री सी.आर पाटिल होंरें आखेआ ऐ जे हर घरै च साफ पीने आला पानी पजाने दे सरकार दा धेइया ग्रामीण भारत दे लोकें दे जीवन च बदलाव दा इक सशक्त तंत्र बनी गेदा ऐ। मंत्री होंरें कल जल जीवन मिशन 2.0 तैहत गुजरात, हरियाणा, हिमाचल प्रदेश, छत्तीसगढ़ ते गोआ कन्नै इत सरबंधै च वीडियो कांफ्रेसिंग राएं समझौता पत्रें पर दस्तख्त कीते। इस मौके पर बोलदे होई श्री पाटिल होंरें आखेआ जे हर घर जल, हर ग्राम सुजल दे लक्ष कन्नै जल जीवन मिशन लोकें पर केन्द्रीत इक आंदोलन ऐ जेड़ा उन्दे इज्जतमान, सेहत ते सशक्तिकरण दा प्रतीक बनदा जा करदा ऐ।



Indus water Treaty

भारत नै फही आखेया ऐ जे पाकिस्तान कन्नै सिंधु जल संधि उच्चर ठंडे बस्ते च रौहग जिच्चर इस्लामाबाद आतंकवाद गी समर्थन देना बंद नैई करदा। संयुक्त राष्ट्र च भारत दे स्थाई प्रतिनिधि पी. हरिश होरें आखेआ जे पाकिस्तान वैश्विक आतंकवाद दा केन्द्र ऐ ते उस्सी जल संधि बारे मुद्दें पुट्टने शा पैहले मनुक्खी जीवन दी महत्ता बारे सोची लैना चाहिदा। उ'नें आखेआ भारत नै 1960 च सिंधु जल संधि पर दस्तख्त पाकिस्तान पर भरोसा करिये कीते हे पर पाकिस्तान नै आतंकी हमलें ते जंगां करिये उस भरोसे गी तोड़ेया। भारत नै पिच्छले बरे पैहलगाम हमलें मगरा इस संधि गी मुअतल करी दिता हा। हरिश होरें इब्बी आखेआ जे भारत दी जल संधि च पर्यावरण बदलावे ते तकनीकी रद्दोबदल आली पेशकश गी पाकिस्तान नै नैई मन्नेआ। विश्व जल दिवस पर संयुक्त राष्ट्र च इक आयोजन दौरान बोलदे होई हरिश होरें आखेआ जे जल जीवन मिशन तैहत भारत सब्बनें तगर पीने आले साफ पानी दी पुज्ज बनाने लेई वचनेबज्जे दा ऐ।



Badminton

Orleans मास्टर बैडमिंटन च भारतीय खडारन तनवी शर्मा महिला सिंगल दे सैमीफाईनल च पुज्जी गई ऐ। क्वाटरफाईनल च उन्नै जापान दी Natsuki Nidaira गी 21-14, 21-14 कन्नै हराया। इक होर क्वाटरफाईनल च भारत दी Malvika Bansod ते Isharani Baruah बश्कार मुकाबला खेडेया जा'रदा ऐ।



Squash

Squash च भारत दे अनहत सिंह- तनवी खन्ना- अभय सिंह ते वीर-चोटरानी मुम्बई च खेड्डी जा'रदी इंडियन ओपन प्रतियोगिता दे सैमीफाईनल च पुज्जी गेइयां। क्वाटरफाईनल च अनहत नै मलेशिया दी Schveettraa Kumar 3-0 कन्नै हराया- जदकि तनवी नै मलेशिया दी Ainaa Amani गी 3-1 कन्नै मात दिती।

